

լեալ Քաղաքապետին զճարտարապետն եւ զորհնադիրս եղ 'ի բանտի, և առեալ 1800 դահեկան տուգանս 'ի Հայոց՝ արձակեաց զնոսա, որոյ վասն առաքեցին 'ի Դամասկոս զերկուս հրամանագիրս 'ի նորոգել, մին վասն Յորդանանու, և միւսն վասն վերանորոգութեան, (1828. 'ի 1 Փետրվարի) :

Ի հասանիլ թղթոց յերուսաղէմէ առ Յովհաննէս վարդապետ 'ի Դամասկոս, դարձ արար անտի 'ի Կոստանդինուպոլիս, և ըստ զօրութեան Իլլամի Դատաւորին Երուսաղէմի տուաւ հրովարտակ 'ի Դրանէ վճարել բաժնիւ զպարտս Աթոռոյն 'ի միջոցի 8 ամաց. ապա խորհրդով զլիսաւորաց ազգին առաքեցաւ Գարրիէլ Պատրիարք 'ի Զմիւռին, ժողովել անդ եւ 'ի վիճակս նորա զկամաւոր տուրս ազգին 'ի նպատտ պարտուցն Երուսաղէմի, և նորա հասեալ անդ ձեռնադրեաց զՔահանայս Յ ('ի 20 Յունիսի), և յետ ստիպուու սկիզբն արար գործոյն. անտի առաքեաց զվիսյականն Զաքարիա վարդապետի լինել Եպիսկոպոս, եւ Ծարագոյն կառավարչի Աթոռոյն Պօղոս Եպիսկոպոսի երթալ յերուսաղէմ: Ապա գրեցին Կարապետ և Պօղոս Պատրիարքունք յորդորական բանիւք առ ամենայն վիճակաւոր Առաջնորդս քաղաքաց, եւ առ նոյն ինքն Եպիսկոպոս Կաթողիկոս Էջմիածնի խրատել Աւետարանական և հոգեւոր բանիւք զժողովուրդս, եւ հաւաքել յիւրաքանչիւր անձնէ զերկուս և զերիս դահեկանս մինչեւ ցութն ամ, 'ի նպատտ վճարման պարտուց Աթոռոյն: Զնոյն գրեալ էին եւ առ Կարնոյ Առաջնորդ Կարապետ Եպիսկոպոսն, յորմէ ընկալան պատասխանի, թէ 'ի գիւղօրայս վիճակի նորին յամենայն տեղիս լցեալ էին Արքունի զօրք, և բքնակիչք Կարնոյ քաղաքին առհասարակ թողեալ զամենայն գործս իւրեանց պարապեալ էին 'ի պաշտպանութիւն քաղաքին բրելով խրամ 'ի շրջապատս նորս վասն պատերազմին Օսմանցւոց ընդդէմ Ռուսաց. սակայն խոստանայր 'ի դիպող ժամու հասանել յօգնութիւն Աթոռոյն 'ի սէր Ս. Տեղեաց:

Իսկ յերուսաղէմ Խորհրդականք Աթոռոյն կային 'ի մեծի տառապանս, զի Կուսակալն Դամասկոսի դրդեալ 'ի պարտատեարց ստէպ ստէպ գրէր հրամանագիրս առ Քա-